

養素堂詩集

介侯先生次第其所爲詩二十六卷成屬序於予予於介侯著書至是歷四五序累數千言而猶未已也魯人序友朋書未有若是多者然介侯著書非予序不出必不求他人序或自爲序或遂無序其篤嗜予至此而予亦何能已也介侯自早歲計偕上國其仕宦每得邊遠又壯游東南度江而觀海所不至者閩粵耳識天下士甚眾而予先後居京師從四方賢士大夫游亦不後乃今言數十季交舊介侯惟予予惟介侯然則序介侯詩固莫予若憶介侯始見予水賤千言欣賞之卽弟友予時在乾隆乙卯之三月而時從上下其議論相舛歌詩爭險鬥捷至己未別去自後往來不多見然見必有詩亦時以鄧簡相酬畚塋

五十年矣自晉韓孟元白友朋唱和未有若曩久者夫以晉儕
操筆爲文章盡興中所欲言亦何敢望韓公乃天之深我兩人
之交者雲龍追逐久益相得卽韓孟諸賢猶願望不可得也且
君籍涼州東而家於秦我家秀州北而客於魏秦魏壤相接隔
太嶲相間訊雖簡牘中語神飛意動若相聞聲於茲又七年矣
然猶有未悞今且以全詩開余使我得盡聞介侯數十年之警
歎若言笑一堂也此予所以尤樂爲介侯序也介侯之才囊括
千古其氣一世無所屈凌紙勃發多爲俗目駭恠或以唐宋格
律繩之輒不得以爲疑而予獨見其有望古遙集湛深幽抑之
思弁夫奧峭詖蕩之風致吳歛越謳愴悽窈眇之音節蓋有近

於騷人之哀怨者舊嘗讀其黔楚閒作懷賈悼屈往往而然予
之得於介侯詩者在此書以寄之介侯宏達以五十季老友其
知我也夫道光二十三年春王正月嘉興錢儀吉序

養素堂詩集目錄

老成張澍介侯

澍初入都邵二雲先生勸學經史時作試帖佗體未暇爲
也暨成進士入詞館弁友朋稍有贈禽旋改外宰玉屏同
年湯敦甫送詩有云一語贈君須記取莫因嘯詠案成塵
故澍歷任數邑不輕作詩佩友箴也所作多得之道路舟
車閒行僅所攜祗杜韓二公集時時緝閱雖嘗汎覽藻魏
以來諸家然究無所得今老矣僑居青門錢衍石給諫自
汴來書屬刻詩集乃取舊藁芟刈存三千五十一首分爲
二十六卷嗟乎自乙卯迄壬寅坐五十年詩境不過爾爾
聊存平生稷粢以待後賢之論定爲述其緣起如此

隄省集卷一

古今體詩八十三首

春夢集卷二

古今體詩一百九首

黔中集上卷三

古今體詩一百二十四首

黔中集下卷四

古今體詩一百三首

溼中集卷五

古今體詩九十首

入都詩集卷六

古今體詩一百六十六首

南征詩集上卷七

古今體詩一百一十七首

南征詩集下卷八

古今體詩一百一十八首

蘭山集卷九

古今體詩一百四十首

還轍集卷十

古今體詩七十四首

入都中集卷十一

古今體詩一百一十六首

南征後集卷十二

古今體詩一百五十一首

入蜀集上卷十三

古今體詩一百二十七首

入蜀集中卷十四

古今體詩一百一十四首

入蜀集下卷十五

古今體詩九十六首

關中集卷十六

古今體詩一百一十五首

入都後集上卷十七

古今體詩一百五首

入都後集下卷十八

古今體詩一百二十一首

江右集上卷十九

古今體詩一百三十八首

江右集下卷二十

古今體詩一百一十二首

浮澗集上卷二十一

古今體詩一百首

浮澗集中卷二十二

古今體詩九十五首

西歸集卷二十三

古今體詩一百八首

卜居集卷二十四

古今體詩八十六首

詠史集卷二十五

七言律詩一百二十首

附試帖詩卷二十六

五言律一百二十八首

養素堂詩集卷一

荏威張謝

歸省集 己未庚申

乞假歸省

稽我年九齡已爲無母兒今茲駐蓬觀別父將六稔眾仙連襪
帶同詠霓裳詞翱翔木天上其樂何熙熙秋風忽薦爽白雲颺
輕絲中懷愴以剛夢繞陔蘭枝陳情寫短疏再拜上

丹墀

帝曰可其奏喜極心轉悲靈椿株就老

皇恩雨露滋 恭逢 聖恩 謹勅 辦嚴且速駕願生羽翹翹友朋頻

召宴佳德莫能辭陶然江之亭屢倒嬰老卮歸來漏三滴燒燭

賤別詩屈指嘉平月可到靈洲池依假高堂愛以慰烏私

將出都門酬同平鮑雙五

桂星

見貽之佗

鮑昭詩語入秋高況賤銷魂興又衰早歲重瞳飛慧采

雙五十歲并

目重憤游雲海壯文濤曾呼君子嘲陳寶

余被竊君作詩戲之

不箸家兄

笑魯褒深愧未能三里霧何由解捉卻塵毛

元詩

鮑桂星

蘇雀山連磧石高朔雲西氣鬱文豪人如青海秦時月筆

卷黃河塞上濤天下奇才有平子鍛前伯賤壓王褒羨君

弱冠成名早愧我簪花已二毛

余年三十七髮星星矣

劉李河遇雨

車聲獨漉轉言上河之梁飛塵初斂息凍雨乍飄揚橋柳紛披
綠邨煙半裊黃京門一回顧別緒正蒼茫

涿州道中

憑軾聊周覽山谷鬱嵯峨大野何莽蕩千里念吾家朔風忽飛
發吹捲龍堆沙邕邕霜禽響荒雞和哀笳游子思故鄉目倦目
西斜

塗間懷鮑覺生

桂星

同平

人海波騰處君胡見我驚孔融招德祖郭泰詣袁閭臭味芳蘭
契肝腸濁酒傾均茵嗟已久無奈又車聲

懷樞李錢衍石

儀吉

孟冬行邁河朔隆寒山川黯朱道里紆盤嗟我懷人淞水之干
愁心極目古樹雲攢

惘然分襪云胡不思蕭條旅夢庶幾見之輾轉無寐夜如何其
屋梁月滿恍照芳姿

惟山有木其木有枝憶昇君聚醵跗相依促剋言志聯林唼詩
文采風流豪甚一時

明明者月習習其風南望飛雛執手庭中今也雨別紅豆花紅
拊劍歎息書寄鴈鴻

淖沱河

已未孟冬月載雕艦來詞何意連日雨遲我征行期平地泥沒

展車輪不轉移我馬亦云瘡我僕亦告飢前途方渺渺沉值河
之塵奔潏挾風立沙石散漫瀾危橋亘百尺瀘滑泛膏脂愁心
那可寄伊人天一涯仰視雲中鴻高飛不差池銜蘆避繒繳千
里稻梁滋何當假羽翼不復歎路歧

道旁枯楊

枯楊橫大道枝葉朽無餘雷火燒時烈秋聲聽處虛臂擎奇鬼
似頭禿老僧如不計何年月孤根傲敝櫟

古鄠城

金狄泣秋風亡新閭運終春陵佳氣滿鄠邑赤符通虎豹昆陽
助錢刀白水充千秋亭上碣古字尙存馮

水經注千秋亭有石
壇壇有圭頭碑其陰

云常山相隴
西馮龍造

謁岳忠愍祠

萬里長城忍自壞咸陽和議信終堅
江南半壁朝廷小河北九州歲幣捐可憐
留守先星逝特幸斬王以酒全最是傷心回旆
日黃龍未飲恨黃泉

峽石驛

函關臨曉過地勢迴雄哉碑鏤二嶠在山圍
四面來塵衝峽石動日射霜林開驛騎喧亭館
柴車塞路隈空餘風雨蹟誰溯宰臣臺望遠一
長喟秦雲去若回

渡黃河

浩浩洪河曰東其流宜房安在黃涌沙洲濤驚雷怒駛若奔駟
我自西歸驅車入舟

舟子欵乃飄警帆縣順風而呼穩坐如天魚龍起伏兩岸雲煙
想古豪傑北顧慨然

汎彼中流擊楫誰子其投鞭而濟亦致其師激清有志貴在壯時
人壽幾何逝者如斯

在晉藻世瓠子爲災魚山未平沈玉告哀我
皇允猶冰夷効材頌疏導者獨禹功哉

潼關

四扇關西詖蕩開金湯作固信雄哉中原此是咽喉地西土誰

爲筦鑰才一道黃流天地亘三峯紫氣古今來舟車絡繹人煙
輳

聖世無須偷度猜

粵陰道中

漠漠炊煙起人家是處稠谿流環玉響柿葉火雲浮白認呼仙
犬青來老子牛蓮花山在望一上鳳凰樓

謁寇萊公祠

逝矣雷州客堂哉慶厓賢天書慚魯直事業在瀘洲萬箇英靈
氣陞山角非季巴東空想像古鄭此流連

謁郭汾陽祠

手取虞淵落日回唐家再造此雄才帝知翁亦癡憐佗天降女
爲福澤培藍鬼詎容紅粉笑小嚙都拜大人來青蓮果有明甄
識他日南荒未足哀

西京懷古

周鼎沈淪秦鹿馳中原囊傑監旌旗楚人一炬遑天意灑法三
章拓帝基秋色園陵狐兔窟春風灞漣鄴船祠可憐蕭相蒼龍
闕弄筆扁書儼赤虜

六盤山

昔我赴京尋曾憩盤山躡無奇句問天山靈笑我俗今我重經
此離情填滿腹那有探幽興斷腸秦樹絲無已發勞險搔首略

紀錄曰聞太行陽宅幽峙盤谷李愿卜居之昌黎序可讀俯窺
竊而深周行練而曲其中廊有容其徑往而復盤谷既已然盤
山形似酷雄哉此坤輿平地幻雲陸蒼茫自西來日脚欲磨弄
尋原得根柢隴山之一掬中原勢敵漫到此一結束撒桌壓巖
秦絲亘連棧獨隗囂昔逃盟高平驅鐵軸張旣出鷗陰師焉此
潛伏天險之所設人謀因狡蓄恃險而不虞一失不可復揭來
重眺望歎息人碌碌迢遞恒嶽南亦有盤山矗六載滯長安嫻
未陟其巍行當尋霍原巖巔窮麗矚細數翠煙鬢盤峯可有六

過青嵐山

慣任勞人歡驅車上碧巒
羣羊腸愁詰出粵道向空盤
奮取肺腑周

覽吐氣入雲端山靈驚傲骨如我鎖煙鬟迷離草樹黯嵐氣擁
朝寒飛塵紛撲面憔悴凋朱顏世路信多險九疑處處觀他時
履平地應念陟者艱

短人行

哈家嘴之短人余往來數見之今經過猶在問其年七十
矣軍中占此以遣采問

哈家之嘴鹹水東柴屋有諸短老公尺二形軀是眇躬旁人猶
號薛先通人戲呼薛大漢先通長人見神異經是何么麼健且雄三度見之容顏

同不知已是七十翁東郡昔者送巨靈此人乃欲同其形黃鵠
吞後夢恹惺一笑有如鐘拊筵自誇拳髮異丁零塊然獨坐堆

舉瓶有妻窈窕立亭亭雖有足不能以陞雖有手不能以攀蒼
疣駢枝俱可刪何乃視息尙人閒鮑老猶堪舞嫵爛問爾心事
亦何頑不能七尺任嘲訕詎知造化微有意疆大往往好吞飼
防風白恃後期至蕭斧不貸分肩臂僑如亦肆陸梁志載以廣
車如辛哉君毋輕效巨君帥一矢相加病鳩墜短人短人爾何
忌古來侏儒尙司事

天山歌

天山何高高至天何奴目之曰祁連巖壑深藏萬古雪雪裏蓮
花大如船五木香飛如何樹冬溫夏涼可臥眠上有黃帝金液
之神丹下有魏老馬埒之水泉恠禽異獸琪花瑤草不啻盈萬

千我居山之麓未陟山之巔老人爲我說古洞石林縣竈熅昇
困廩排列尙依然聞此心神忽飛越知是三皇洪崖仙欲往從
之路迷恨無緣不如守破屋且註雲笈編樓身齊岫以待他年

于家槽訪舅氏後裔

重來不見水雲莊竹樹摧殘屋舍荒都護家聲成幻夢將軍世

業付寒蔕

子幼時曾見大櫃藏元時封勅詰命今無存者

偷生不避壺蜂毒

子孫賣田宅盡匱敝

西域娛老還炊豆腐香

有舅氏疏姪名國發者年六十餘賣豆腐爲生曾以食我嗟我潯陽何

落落西風吹淚九回腸

涼州蒲桃酒

涼州美酒說蒲桃過客傾囊質寶刀不願封侯縣斗印聊拚一

醉臥亭皋

百戰沙場白鬢毛於今纔得脫征袍故人邀我飲家醪手洗瘡
瘕日幾遭

大好紅醪歆鼻香滃滃入口洗愁腸琵琶且攜彈新曲高調依
然在五涼

藏自何年此盞觴滿盤烏翅又頻嘗破山玉饌美於肉風味可
能如我鄉

趙百朋

永季

秀才時過問字

訓簪凡將久不聞識奇誰得比卿雲東方好學游吳市南閭問
官倫說文點画都關經術重聲音亦被管絃分而今問字人原

少發我藏醪卻醉君

馬接三

廷錫

秀才善疇人之學賤此貽之

曾笑邢肱問見龍
羨君星宿總羅罽
祠來瑄朗潭中性
夢得伍喬天上客
不必牽牛皆服軫
須知狼峻亦多峯
我家靈憲無能述
慚愧醢雞難自封

贈劉二

德暉

秀才

縣黎無王爾耀夜光不發盤郢無赤土純鉤力不洩
斲梓昇染絲慎始同跡輒眇彼虹電端倒景亦可越
未振闔風轡硜谷覺碑砢敗銅薄何用上漬喪宏血
古鏡破難照中含爾澤月嗟吾兩不如暝姝守樸拙
逢君眼回青識是井里厥圍爐共敲詩奇

筆鬱淮別博聞鑒眺蟾吳臺離豈曰晨夕欣敷衽朋鳳音節節
河水何浩沓鬱雲何窅譎相期窮源巔鼉鼉遵來哲無爲形天
舞反遭腐儒舌

偕何梅生

承先

登寶融臺

今塑女媧像
號皇娘娘臺

東漢周公控制涼高臺今卻說媧皇河西五郡徂囊下隴右萬
山綫帶旁烽火不驚駝鳥樂林泉有趣馬蘭香歸來共把蒲桃
踐也割祁連日及辛

天山有辛今日割其肉明日復
生不割則悶死名曰日及辛

題友人肄射圖

平皋地迴柳風疏顧盼英姿興有餘虎僕何如簫射健且將直
矢學巨魚

萬里雄心寄駿驄
曹家白鶴漫追題
不施碧絡青絲飾
踏徧斜陽細草堤

底事奚康百石弓
呼來銀鹿抱筠筇
甘蠅自有穿輪手
聊爾停弦立朔風

一笑雲天鵠影沈
好鄭茗盃綠楊陰
蘊經我愧西河法
詎識支公賞駿心

大雲寺唐碑

景雲五年創此寺
貌出豔皇設科律
預修國史劉秀文
神鳥主簿夏侯湛
名字字體遒邁
歐柳顏文雖凡庸
亦下駟茲實疑似
重翻刻原碑定係
偷兒秘李唐開國
崇弘元後乃兼習
彙教義金

室瑤房徧九埏衲子紛紛飽飯飼我鴛曾繙大雲經誰知大雲
藏舍利

贈月如開士九言

讀書萬卷拳頭也不識迂濶大似粥飯之顏色欲偕犍椎一跛
心煩嗔又恐瞎棒啞禪恣回惑卻憶廣顙屠兒會涅槃立地成
佛無須百丈竿我雖不及玉帶張萬回亦知石頭路滑放步難
何期覲止月如今趨崇結構精廬乃在梓潼宮一甌一鉢居然
巫巫老三昧三明智爾默默通赤髭白足固亦饒神異馴虎呪
龍究難持道器可知忍辱無垢在清修庭前柏子不是西來意

游海藏寺

號號清泉向北流招提切漢慣來游不詢僧臘嫌饒舌久讀碑
文覺渴喉山沼嘉魚跳撥刺高松恠鳥叫鉤輈此閒消夏眞佳
境況有谿邊賣酒樓

蘇莊廟用溫飛卿韻

廟在涼州府屬鎮番縣蘇公山上

歸來哭拜茂陵坊回首孤兒夢杳然像面南宮存禿節羝留北
海臥寒煙至今祠廟山阿路在簪風霜十九年獨我傷心揮血
淚彎弓且獵黃羊川

古浪峽

轡弩初軼軼驅車上巖崑陰崖黝積鐵永無翔陽臨哀響出幽
礪彈箏有遺音知是寒流汨感我客子心莽塗方浩紆春波幾

許深皆省頻盱望扶風吹我袞敬輿何堪鎔兩輪鐵難任羨彼
奇肱國颶駕自駿驥乘之陵九野何滯此蹢躅磳爾勿擲謫
謫爾勿險佩我黃神印央央巡密林回首叱車匿揚鞭過危岑

蘭州道上述懷

京華久佗客己未喜還家故園儼在目歸心趁飛霞入門拜家
慶蹉裾淚絲斜方知季弟歿無人爲煎茶高堂懸絳帳日照青
荷盤悔予子道餒負學定難追猶冀板輿奉一室樂園樂數千
里道路資斧頗爲艱不得已戒裝行行去西涼蘭峯峙鬱律黃
河奔浩洋登山復臨水琬琰晚憎乖光且勿復苦憶努力愛春陽
雲沾雨乍霏好鳥翻新暈鄧亭問歧路蝶逐馬隄飛長坂迷芳

草楊柳綠依依
墻角鵝桃花紅影射
征衣游絲天際來
一路香風陪香風
吹習習離思不可裁
腸斷翠樓人夢繞
秦雲回題彼高原上
鵝鵲共蜚鳴嗟余
尖羽翼四海焉能橫
用楚辭橫四中
心深感剛涕下濯冠纓

黃河清

乾隆五十季間有人自蘭州來言黃河清數百里家大人命謝詠之藁久佚因覩黃河追錄於此

黃河清聖人生聖人生天下平
滔滔濁流忽如鏡明誰投寸膠
千里激泓是爲

聖天子之德而川后輸誠

同張伯素

位

靖輦游五泉山

蘭皋深秀竄雲煙三月春游客思捐
新綠叢中翻翠羽殘紅墮

處響流泉清谿出洞流
後傑閣臨崖壓萬千憶
是沙蟲爭鬥地繁花尙
泣太平年

詎有登高但賦才聊隨
謝展此琅琅鐘聲幾處
驚癡夢佛火一龕沈劫
灰沙捲黃河自東去鴻
疑白塢卻西來誰家玉
篴聲哀怨使我情懷不
忍開

望崆峒

雷聲

峯名

隱隱出山脚驚起
寒時雙舄鶴飛飛直上
青冥天我欲

乘之循幽壑軒皇問
道幾千春石室薜蘿誰
能鑿平生思踞廣成榻
飢來驅人坐塵縛見此
巖巖神殊怡采芝翠巘
叢薄白雲番靄忽留
罔似有仙真渡略約佗
時儻有買山資會閱楞
嚴

帝子閣

藏經閣明肅藩所建

振履堆

湓水側鬱崔嵬云是夸父履中灰振向此地成高堆堆頭日日風復雨行人愁歎泥沒股

過邠州

隄邊翠柳色青青踈地長條縮轂輪僧問行人春去未黃鸝飛上美陽亭

永壽山行

連日陟高崑埃風厲以蕩牛轅泥塞塗亭午未能饌到此悔識字不如耕平壤荷鋤杏花邨田歌食磻響胡爲爲形役塵垢攢

膚痒誰遺錢來石一洗得清爽凝思慰征懷
崑崙又航暢下車
走泥淖白日愁翳
暉擬欲捷浮雲太阿不在掌
勞勞智慧損何
當祝瑄朗

同岳一山

震川

舍人游大小雁塢

偶隨謝屐訪琳宮
春日遲遲野色融
韋杜池臺新雨後
枌榆村社曉煙中
抱城遠碧八流曲
臥地層陰雙塢雄
振杖登臨舒遠目
殘霞落處右扶風

題高四

焯

醉航圖

蒲桃已熟金鹽黃
龍頭點滴水蟻香
披圖一笑認渴羌
玉缸滿注雲英樂
朱提百笏何足惜
大呼索郎召歡伯
一航煙水任浮

拍醉來不覺乾坤窄會須括頸雙車輪
畱客劇飲客莫嘆如泥爛醉淪淪高君
果是高陽人黃公壚邊日已莫何必科頭
奮衣舞歸來簪得酒人譜紅友白墮其
千古人言二石衛易朽君說三臆亦能
久傾瓶盡凸光照牖明月清風皆吾友
我簪曾醉金母家瑤杯激灑斟丹霞盤
裏珠弄彈琵琶董娥有酒顏如花青緣
離落那堪記鬱律腸回轉成醉伶歌髭
笑阮生哭壘塊填箇不得意世人與閒
生酒魔一滴入口已覺多糟丘廣大窟
室樂有酒不醉奈酒何

題祝蘭坡

會

觀察山中讀書圖

風雨名山著幅巾讀觴古洞理師春
譚經不守殘編訓一笑嚴

徐是塞人

巖月纖纖窺石戶
谿雲淦淦入秋亭
緬然忽有蒼生感
嘯咏聲

中峯自青

文章報國記花鈴
叱馭威名列

御屏回首圭峯茅
屋夜籜鐙早習虎
鈴經

鳴玉璫珩豈樸儒
邊城回角靖萑苻
觚棱曉夢君應歟
我憶滄

洲舊草廬

題朱少廬

焯

孝廉所藏蘇東坡
學士小像

瘴海南遷日孤忠
鬱結平蟄龍文字
蠶磨蠅命宮緣俯
眎章惇
輩知言孟軻賢兒
童休見笑笠屐儼
神仙

我亦蓬瀛客西湖謁三祠祠爲阮芸臺中丞師所建生憎紹述事慨想神宗知許國惟肝膽參禪此髮膚誰言肚皮內只是不諧時

玉泉院銷夏

山院何清閼飛泉繞石流蓮花當戶秀菰草傍亭幽潄白雲千片寒青月一鉤修篁森夏玉老樹鬱盤蚪戾止時方夏蕭疏氣若秋人龍真穩臥木鳥自啁啾地闢風雷壯天空日月逾巨靈巖際蹠招拒夜中旂船藕何率種柯棊此日收停尊遙黛瀉磨劍夕陽愁詎有軒裳戀寧無蕙蘭儔舊銜香案更新署醉鄉侯絕頂終須至羣仙詔我畱相期定不淺予旨問丹丘

玉泉院夜坐望粵山

三峯如劍立耿耿倚青天劃破天腹心明星落其巔西風飄忽
至吹淨縉霄煙碧竹青松際白雲白嬋娟宛宛玉池上十丈紅
蓮船砑笏鼓震髣髴集羣仙茅狗陵空過上有呼子先道逢
修羊公執手語流連相期尋收館玉版益等平時弄鬱狩博一
輸千萬錢我嘗拜五嶽望此殊色然月明寒露下攝衣廣庭眠
驚疑黃河泛瀉聲落枕邊

謁西嶽廟

軺車北上謁仙宮白帝尊嚴秩祀崇金籙玉符七聖演文窗綺
戶百靈通有時雷雨蛟龍怒特地關山虎豹雄爲乞神功覃閭
澤三秦屏翰贊元工

瀨靈樓望嶽

誰定畸人物外蹤
軒衣直上鳳樓重
天竺白練千尋雪
地走蒼龍
五粒松巨壑
雷鳴雲氣吐金莖
月上露華濺烽煙
黯處蕭關路
欲請長綬怒髮衝

時教匪不靖

俛瞰黃河氣勢雄
夏尋高掌蹠遙空
三秦郡國眉稟下
萬里雲煙裹帶中
簪笏森嚴環北極
祠官故事醉西風
商松夏柏依然在
鬱鬱蔥蔥白帝宮

雲臺觀

岑下雲臺觀神宮
丹雘輝三峯列綺戶
一脈穿苔磯壇古
叢修竹窗疏籬
翠微長松陵石壁
小鳥入煙扉欲訪
焦先去疑從衛

叔魁千仞眞隱地兀坐一儒衣

朱子嘗提舉雲臺觀自號雲臺眞逸今有祠塑像

雲臺觀望嶽

天外三峯削不成

句唐

雲臺觀裏見崢嶸淋漓雲氣蒸虛壁隱現

茅龍戲曉晴巖宿明星通箭谷窗飛瀑布涇柯坪采芝欲向蓮船老那使塵寰敵我名

玉泉院

勞勞道路素衿煩忽見仙源世尙存石洞橫陳耽睡客雲臺遙接瀨靈門半丘殘照芝田冷一徑疏蘿藥竈溫聊就松陰成晚

憩滿天星斗麓山孫

亭名

希夷洞

汴京赤帝風雲翔紫府神仙日月長道是齁齁只好睡不知四
十季感傷殿堦檢點非豪傑小兒手中攫食嘗黃袍被體陳橋
畔策蹇憤懣歸雲鄉高卧嶠山詔不起覺來金源取大梁艮嶽
宮闕付灰燼山上白雲尙如常我欲酌水埽席間烏唳花落言
都忘先生有道非遺世四海閒客聊徜徉勤求五龍之秘訣那
計浩刼過紅羊

游張超谷

五里公超雨攀蘿路不迷輕雲生白石仙藥長紅泥飛瀑和煙
瀉清猿帶雨嘶幽棲不忍別峯上月彎西

青柯坪

石磴迴盤空
藤蘿鳥道封
踏開五里霧
靡徧半山松
絕壁方游目
孤雲欲盪胸
底須探玉井
天上策茅龍

題細辛坪

芙蓉青入攬
又到細辛坪
古洞修辛坐
危巖玉女行
采雲飛隱現
藥氣釀陰晴
回首蒼龍嶺
風聲萬壑鳴

望仙人掌

巨靈何巖巖
高掌蹠危巒
欲拄仙人杖
來彈司寇冠
攬雲披玉襪
捧日弄金丹
傳指有真訣
希夷守石壇

登峯四首

平生夢寐訪名山
此日登臨興不慳
一片黃河落天上
無邊紫

氣滿人閒中原莽蒼乾坤老少鬱嶙峋郡國環誰向青蓮問奇
句峯頭拄杖壓秦關

落雁明星鵝鵠重三峯削就玉芙蓉碑高雨灑千季字秋老風
鳴萬壑松鸞見仙人騎白鹿斗閒深峽忝蒼龍誅茅此處尋丹
諛毛女吹簫嶺畔逢

回首金莖露未乾九州何處此層巒白雲紛入巨靈掌碧月斜
棲司寇冠風送濤聲涼夜裏煙壑瀑布古崖端持筇蘸破龍潭
水鏡我塵顏發浩歎

極目咸秦勢鬱深空山落日冷羅衾蓮花直遇三秋色雁影遙
傳萬里音已覺仙凡難混逐從知軒冕易銷沈蓬萊清淺崑崙

碎誰識成公拜嶽心

粵山

嘻噓乎高哉粵山四方仞五千我來登絕頂搔首問青天羣星

錯落儼拱北南山一握真彈丸百萬沙蟲競抵門陰翳翳愁

迷澗機槍何不掃赤子怨倒縣問天天不語我心懣以癡

時川楚教

匪不靖

攜笳跨蒼龍且拍洪崖扇毛女侍我側酒嫗舞我前萃公

喜我是少季左有子先策蚪丹霄去右見叔卿駕鹿白雲還洞

口九莖叢紫芝峯頭十丈拔紅蓮褰衣采采直在井鬼之西躔

畏嘯呼吸驚帝座下視塵世滄海田秦宮昇溼闕遺跡空秋煙

礪礪兮大夫之古松黝窅兮玉女之清泉朝餐松實暮飲水羽

衣飄忽隨羣仙方瞳綠髮簪犀導吹簫振箴明星邊摩天同日
壯思發巨靈爲我助力鯀倒挽黃河之水令西旋盡洗戈戟耕
平川長謝軒昇冕駐鍊玉笈篇

聖明何用牛馬豕偕他希夷石榻容酣眠

七夕

客路風煙卷素秋紫霄良夜亦悠悠誰其云者來靈雛若有人
兮飲清牛皎皎星辰兒女事盈盈河漢古今愁翠牋果自雲中
降我欲乘查問塞修

秋日礬山下

攜得良朋載酒游青天白日簷泉流無端雷電接妖恠但見雲

煙滿壑丘不信芙蓉天際落居然玉露掌中收
菰亭坐看賓鴻
字寫出秦關八月秋

旅懷

西涼書客怨秋風馬嘶日逐塵埃中素衣化緇
綵髮綠高高五
嶽填心芻美人日莫雲際隔靈洲草碧峯煙白
旗亭痛飲金巨
羅酒力壓愁愁轉劇空山虎豹發悲吟使我珠
淚彈羅袵鷗鵬
每遭斥鴳笑那知鴉海青天心狂歌擊劍荒臺下
寒月光韜
四野英雄俠骨哭秋墳攘攘誰是長年者蓬萊宮闕
現金銀羽
士丹就魑魁嵒三千弱水渡不得男兒兀坐徒銷魂

養素堂詩集卷二

趙威張澍介侯

春夢集

辛酉

擬古

矯矯青田禽實惟仙家驥閒弄瑤池影高振閭風翅皓質匪日
浴瘦軀本天昇偶從尋表魍俛仰人閒世迢迢步露庭宛轉舞
月砌樊籠非不寵雲海固其志猶有九皋聲欲和鸞噦噦

李廣銅印歌少司農阮芸臺

元

夫子屬仵

孝文大橫庚庚朝匈奴大入邊馬驕衝陷折關無勇士首虜雖
刺揚塵颺隴西李氏世受射通軀援臂何雄驍貴人遇敵騎且
盡將軍安愈弓挽滿奔馳箕張左右翼生得匈奴之射鵬白馬

酋帥意易甚上山置陳千騎囂大黃一發骷髏血解鞞仰臥還
逍遙壯哉將軍誠飛將萬戶侯印宜縣署胡爲數奇時骭麟率
餘四十位不超牧豕家奴何韜畧雲起龍驤冠金貂木強無文
理入口父子纍纍絳舁條祁連象冢無家客冠軍加封號票姚
凡百四十三人者豈無天幸能扶搖煌煌高祖入關約軍功則
侯餘難邀如何結髮七十戰反讓弟蔡居上僚元狩四年大出
塞軍行亡導邊迢迢責簿羞對刀筆吏刎身絕幕堪悲慘將軍
一去幾千載何期銅印觀今朝雷剝霜皴土花碧繡纈紋直形
微掣光采飛動無剗剔棱棱刀角仍丰標到眼駭攀手捫摸深
凹很喫篆難描文字岬疆製方寸森森寒氣翠未彫噫吁噉斬

蛇劍蜚龍唵朱翁仲尹何多毀銷寶鼎汾陰復泥土玉杯延壽
徒鐫雕伏波銅鼓惱訛餓屬國服匿悲沈消荒醒恠夢歷千劫
此印猶逐羲輪昭芸臺夫子性嗜古搜羅得此歡連宵貯以鐵
匣裹以錦珍之奚啻熊足鏤紛紛俗尙寶珠玉累櫛盈几皆宜
燒自埒徐君碣下劍詎遜冷道祠旁簫定知精靈默呵護巧偷
稟敏心慄聊承命佗歌慚汗出鏤求技拙詩腸枵復齋古譜未
暇稽憶王朔言鐙頭挑潢池弄兵沙蟲蠶將未橫草高爵微壯
士髮指怒搯擊中夜起舞看星杓安得捲握戎塵去機槍電拂
墮狼妖魑來斗大縣肘後高臥一醉滄江瓢

讀張介侯庶常李廣銅印歌題贈

章甫

吉士張伯銅印歌
漢李將軍印重職舉主阮司僊嗜古二
千季物恣搜羅
門弟子中工翰墨
鄭重出示命吟哦
歌成長篇紀厥事
雅才直欲追菁莪
甫也雒誦驚奇絕
七襄錦織天孫梭
馬班紀傳侈點綴
杜韓歌行神規摩
霏霏珠玉落層瀋
矯矯蛟龍旋盤渦
驟雨馳風誇戰績
變微維羽歎

數奇

古音歌

愛憎英雄及古物
諦鏤名姓重摩挲
羨爾壽世

靡缺譌不數金莖
昇銅駝得逢名流
爲收拾珍埒
彝鼎理則那
發揮炫爛徵引博
瓊樹枝交珊瑚柯
噫嘻將軍具爰
臂射敵應弦鮮同
科威稜常使匈奴
驚顛蹙反遭醉尉
訶才氣無雙令簡
易士卒樂爲死
靡佗舉旂斬將
七十戰未

邀封邑淪軼軻當時侯者凡幾輩汗馬勦誰比之多豈真
骨相生弗貴豈真誅降法太苛晚被牧羣奴挫抑遠道擊
虜坐爽蹉遷羞對簿刎茺幕一軍聞之泣滂沱空餘私印
歷歷刓篆無剝蝕非孽窠觸目太息悲敝罔賞不當功命
若何鴻文爲洩千古恨行閒鬱怒風雷過焰逼重霄天黯
澹衆靈驚墮相咄呵杜爲奉世訟激切耿爲陳湯諍縷觀
高浪委輸勢欲息復感時事興餘波方今西南肆小醜眺
梁直等撲燭蛾諸將疹猷青紫抱魂潛釜底稽天戈蒿目
千山連烽燧傷心萬骨化蟲沙義士憤膺代庖志願握兵
符熾么麼或謂君羣才弱冠釋褐初登金鑾坡毛錐何能

及大劍治旅將毋仍嬖嬰君曰陸遜少專閫杜預老庫張

去戎麾古音許戈反請纓義兒終童烈破齊勇聞趙廉頗忖予

登壇拜大將淮陰奇兵底祇陀楞嚴經祇陀此番戰勝劣猶可作行

司馬伐石紀功比元和壯哉君如銜征命僕願執戈効奔

馳古音駝爲君桴鼓激熊羆古音婆爲君揮旌趣鸛鷺電掃妖

氛封京觀一洗兵甲挽銀河勒銘邊關顯威德賤子附

驥名不磨拜辭君仍榮簪筆天庭翔步冠綬裁區區心

儀碩人適迢遙野鶴歸巖阿

夢游嶠山

三山舟引去蓬萊夢跨蒼龍峯嶽來掌劃青天扶日月觸飛白

鶴靜風雷松聲震盪軒皇樂水色漪漣石髮落捫蝨高譚天下
事心儀景畧是雄才

巨靈久別首重回

庚申夏憩玉泉院曾登落雁峯

十丈蓮花望裏開秋草綠堤

披布帛斜陽照壁湧樓臺攜壺載酒公超市塾角讀書伯起槐
世事誰能歸一枕圖南弄我兩人哉

苦雨行

辛酉歲六月

女媧石破天柱倒六月霏霽失昏曉淼淼水氣泄申金莫怨焦
明商半島煙埋萬竈掘喧鳴滿路呼號薪樵少先是原田愁龜
坼

聖主爲民誠意禱瓊膏靈液自天來禾黍油油豐年兆孰意甘

霖變苦霖癡龍猶自灑未了衝飈激作金鼓聲屋陀墻積出池
沼羸癯弱稚淪驚波長鯢毒鰐街衢繞儒生蒿目蒼黔魚繪圖
擬奏

天顏表捐珠礫桂慰饑鳩千百殍殍怨咨小

苦雨二十四韻

息石伊誰拆霖霖竟爾悠連朝鳴鐵馬入夜亂銀蚪萬戶炊煙
黯長藁瀑布流驚魂防屋壞傾耳聽風颭藻井糾紛落藜牀蕩
漾浮官廨齊產竈門蟻盡封丘黑蛺蝶弄躍鴻波堂下周黃沙
飛鳥絕紫陌役車休蹢躅農夫櫟迤邐御史驕製衣思范瓦居
陸好牽舟災問帳餘里書緝考異鄧何圖煩暑節宛在大黎州

客土仍悲惡流庸莫給求天心寧有豸民命早無鳩守麥誰高
鳳爲魚逐遠鷗雖非洪水變轉益

法宮憂玉粟調方急金錢賜又稠斯人殤及溺若已納之溝姬
氏如傷念堯庭俾乂謀蒼靈應悔旤黔首定捐愁區囂三雷淨
霓雲一旦收羲輪縣赤羽龍伯沒清湫絕徼兵氛洗京雩樂事
適無須周穆籛已燮野人牛我擬呼狂友江亭岸幘游

偶成

盱衡大道上車馬延延弗畏泥塗黑衣冠鬥新鮮詣嶽羣居
日持掩工數錢相勸嚼復嚼儷景同翩翩蒼昊閱良細遂令隔
并連纒囊緱甸內樹杪往來船愧無塢流策憂心焦如然諸公

罔養甚飲飮且延平

偶書二律

滿野蜚鴻集嗷嗷發愴音縣官多放手

聖主獨憂心不藉新收穀重頒內府金餓夫有喜色鬼眼我噤
噤

河伯仁焉在爲災數怒濤千邨都澤國萬姓等鴻毛瓠子
皇心軫經波月影高浩歌盈把淚木葉下寒皋

讀山海經詩

欄潤如繩門無剗啄移林覆几漏室思臥迺取山海經
讀之頭昏少減遂泚筆濡墨就事物之足詠者各繫一

詩或隨文鋪敘或據臆糾譌而亦僧物箴規非云覺人
聊以省己自黽舖至鐫鐙共得詩五十八首辭不求工
書紙卽是存之以備遺忘云爾嘉慶辛酉六月之六日
舉子髮齡五偕夔贊大禹堯八十六載山海經乃譜或云箬雲
粵夷堅載筆補斯說其不然掌火山澤至我廬雪壓窗鐵馬鳴
苦雨擬脩羲和手推將赤輪吐天意尙遲遲猶教商牟舞把酒
一披圖苑恠眞奇古

鬱律雒山高鶴臨西海濤祝餘叢似韭羞之勝養饒璀璨迷穀
尋四照燭秋豪但佩疑網解析繭絲牛毛方今田苦澇庚癸闌
呼號我飢甚我愚二物實圭刀

鹿蜀何磷彬馬狀而虎文發音歌且謠矯足駿騰羣皮尾充縷
佩子孫盛如雲勝彼旋龜甲愈蟬恃聰聞并朝兵焚日閩南見
者云唸詩誰紀事崇德吳爾壩

痺音鵬鵠島往往城邑止我蘭華橫天跋浪鯉魚死此島何爲

來厥徵在賢士澤畔被髮人仰空呼爾爾岩龔慶春門斂手三

目起面目老人形孰能窺斯理

康熙乙酉夏六月止于杭州之慶春門上三日卽此島也

萬物安所天天心自首肯縱恣而貪怵齊斧齧其到不見狍鵠

島腋下目炯炯殘賊是食人終爲人佗艇桎史患有身此身天

地並大禹惡饕餮圖形九牧鼎

緣木而求魚斯言俗士笑謂此鱗之而終宜據津要不知神蒲

稍遲注水中開何能嬰兒歸偕枝向鵲鵲大海跋浪鱣反邇此
高調寄語囊笠翁莫向寒江釣

獸有詭譎者厥名曰馬腹人面而虎身宛似嬰兒哭腹中乍揭
然水中聊潛伏小兒來戲弄攫之爲嘉穀我有一金劍光芒寒

射目擬授伊水中並將人刳逐

漢章帝建初八年事
見陶宏景刀劍錄

帝臺觴百神曰在苦山首鐘鼓聲鏜鏜燕樂如賓友其上有石
碁五色雞卵偶宛似湘江底樽蒲形不朽馬目間雁行雷風儼
馳走但慮上帝尊何人爲敵手

我愛顏氏子平生弗遷怒犯者亦不校大度如大路我性如弦
張又如勁矢注遇事少齟齬勃然無反顧由無見道心夫豈有

他故東帶佩柔韋何如帝休樹

銅山西傾日洛鐘東應之萬物相感動其理有如斯嚴秋飛白
霜草木萎黃而豐山九鐘鳴曰無人坎其吼聲滿大野震霆嚴
在茲天然發天籟何疑鐵躍爲

洞庭居二女女英昇娥皇諸儒守是說母乃考未詳大舜巡方
目二妃鬢如霜何緣復俱存灑淚天一方湘君湘夫人其說夏
荒唐我謂癸比女宵明儲燭光

蚺蜥撼大樹可笑不自量

韓句

形天昇帝爭毋乃太猖狂厥首膏

蕭斧狼藉委常丰乳目而臍口猶然恃其疆干戈左右舞形勢
反蒼黃勇猛復何用至死總迷茫

十日熒燁桑女丑因炙斃陳暴山之阿揮喪聊自翳彼美者誰
子獨逢天之厲不如操魚女水濱設俎祭咄哉此九嬰同惡恣
吞噬怙終而不悛遇羿徒揮涕

鸛鳥何自歌鳳鳥何自舞產卵民充飢甘露潤靈府是謂諸沃
野所欲任意取夏涼冬青溫獨承天之祐不壽猶八百家家爲
彭祖夢登軒轅臺奮飛生翰羽

燭陰銜龍燭炳照鐘山下視則明爲晝瞑則昏爲夜吹之寒如
冬呼之暖如夏千里橫長春僑如僵且走不飲亦不食精神天
地久人面而蛇形仿佛是相柳

相柳食九山膏血瀾川坻由來肆貪婪終必見禽耳共工豈順

臣黑帝位僭擬比肩甘北面是無人心矣掘埋成三沮腥穢尙
爾爾不見巫支祁鎖鑰龜山水

夸父不量力逐日賈雄心渴飲竭涸流北之大澤潯中道廢然
化棄杖藜鄧林大材工師資行者匪重陰神力雖有限厥功不
銷沈及日是亦走終難以理尋

鯨人淚泣珠女子脆軟絲絲出口中五色相旖旎豈僅祇因
圖文錦吐離披我聞俗所記馬頭娘事奇諒因此附會宛厥享
專祠但慮質匪蛹何以啗桑枝

東方君子國好讓無所爭衣冠帶長劍雍容和且平德乃擾猛
虎左右効其作朝夕餐薰花太和氣盈盈丹鳳將雛字羽儀何

鮮明斯地殊不陋想見聖人情

番禺道東桂樹何團團秋風時一起香氣焚沈檀
子連惹走彈丸南州實炎德此樹耐冬寒翳薈桂陽地莫佗桂
林看盡讀伊尹令悽將此誤刊

西北出琅玕青蔥挺玉樹爰有三頭人遞起相遞顧丹實珠離
離碧葉糾紛布天生食鳳皇甘芳漱瓊露采拂日月光天人紫
庭步我家近邴連庶幾得一遇

林氏之國中鄒吾大如虎五采鬱相鮮奇文勝織組般般樂珍
羣乘之生翰羽仰稟五行精性仁異縵黼黻詠詩人閔天曾
求取生爲聖人來祥瑞備靈五

鼎鬱流波山流波到東海蒼夔曰月光雷聲驚真宰黃帝得其
皮爲鼓幾千載振楸威四方煥然生風采後遺柵鼓曲靈吼威
梭在或云呼其名鱗獸充鼎鼐

險哉短狐蜮射人潛含沙射人惟射影魂墮水一涯有人能射
蜮和黍食之嘉嗟彼如蜮者一矢定相加出爾遭反爾斯言碣
不差何如爲鯁觸撐角觸妖邪

女媧御黃圖百有三十載脫然落其腸變化七十每云何德之
靈其言詭無乃橫道仍蛇身栗廣神斯在子午谷崔嵬屯師壘
不改揚翟其聖乎宜髮又誰紉

鸛鷗北胸西反踵忝翹翹左手操管來無端忽大笑反脣障雙

眸羈之不得計鮮血染丹絳狴狴同一妙山都共巢萃名也實
不肖州靡貢爰爾尙異在子嘯

斲木聲振崖堯光嶺雲排爾然銳饋人穴居名猶衰

御覽伯禪襄博物志

伯禪襄俱誤

冬蠶效鵲館深巖白雪埋國邑興大繇躩踞來九街嗟

哉嶺首民生也亦有涯王者窮黎恤空山積枯骸

丹山禽五采干翼發簫聲鳴時萬鳥瘖見時六合清鄙彼鵲鵲
鳥發明昇焦明幽昌同降覽五德一無能亦有東諫珂定甲錦
駝朋而無鳳皇德從將羽毛爭

鱗魚潛水國鵬鳥處山梁人面閃四目其耳亦郎當咎集永寧

寺燕雀噪倉皇五月至七月酷暑異尋常

朱謀埠異林萬縣二十季集豫章城並見

湧幢精稟令火由來旱災翔田禾焦如土反思舞商半

成湯之元祀肥蠶見嶠山用致七季旱桑林悴天顏庚夏我登

陟手弄玉女環一穴如囊大老君臍可攀

即肥蠶穴也
土人名此云明星高

照處博井遺蹟聞至今玉泉月時時夢往還

浮山茂蕪草臭味如蕪蕪方莖披麻葉赤萼何敷腴離離孕黑

實比猶迴縣殊植物各賸質斯人分賢愚佩之珍瓊玉癘疾霍

然無替余以蕪纒靡薜慚九衢

飛鳥名鸚母未聞有鸚父聰慧良能言采翠揚青羽花都勝吉

了丹喙一一吐夫惟以舌故弱質罹網罟奈何喋喋人齒齟如

簞鼓徒得躁者名於事亦無補

四海甲兵揚兜篋下鹿臺矯健如雄雞人面睨所胎卽今西北
地妖鳥肆噓虺善門毒潛吹村野化寒灰我欲彎天弧翦除掃
餘災多植梧桐樹召佗鳳皇來

臨彼嶽崇山東望沕澗潯河水此潛出源渾渾泡泡爰有嘉珍
果棗藥實如桃黃鸞而赤村食之神不勞我有耽書癖不得心
鬱陶大雒如銜來咀嚼慰老饕

崑山生白玉流膏灌丹章軒帝取玉漿投之鐘山陽紅霞舒奇
氣瑾瑜得地良堅栗復精密濁澤而有光五色相發伯用以和
柔剛君子佩之吉所以禦不祥

欽鴟化大鵬魍魎化鸚鵡或虎爪矯矯或鵠音鸛鵠尙肆暴虐

威兵旱災焉北省違上帝旨鵬張狂且慄赤岸弔祖江見劉怨
心悄帝終不汝速顯戮鐘山表

熊熊復魄魄光氣蒸大澤后稷之所潛神靈終古宅洛洛瑤流
青瑟瑟琅玕碧英招颯往來元圃芳林積橘木多仁心叟之同
金液恨不隨周穆埏紘窮馬跡

上帝何不惠老稚付波流安得沙棠木別爲萬斛舟鼓楫鴻濛
中揀此衆蟬蛸欽原西南來大舁鸞鶴儔蠹木立焦枯羣鳥疾
如讎安得鵠擾馴是司上帝裘

我愛猓婉始容顏妙若花消搖光碧堂餐玉漱丹霞蓬髮綰戴
勝善嘯露虎牙瑤池觴天子賤詩理則邴白雲忽以逝山川隔

歲華念此能不憶槐楸樹高遮

宅西曰柳谷餞日日反景云有神司之長留少昊領當其反照
時變化無窮境或紅若丹砂或黃若文杏雲氣佗斑駁金縷穿
遙嶺蛟龍時隱見瞬息六合裔

金母憩崑崙使者三青鳥羽毛何翩翩往來三危表道道不辭
勞黃耳嫌輕佻漢皇留游仙七夕降窈窕丹鳳駕雲車三鳥佗
介紹嗟彼鳥集人林林亦爲少

洞庭張廣樂瑤瑟和湘靈鐘鼓爰居悲鳴太伶仃如何帝江
鳥歌舞妙能聽勿謂無面目其中獨惺惺閤昇理相會神乃契
窅冥是以尸簾業有瞥在周庭

春秋尙博物國僑識黃熊義渠有茲白名駁爲獸雄騰髦一驤
首噓天震雷風盛氣無不陵虎豹糜牙空原父皇弩日咆哮順
山中引經詳厥狀外國服鴻通

蒼天扶善士有北國哀民善士凜天監哀民汨天真如何窮奇
獸庇彼讒賊身有時亦辟蠱兼能逐疫神雖然効微力狡焉未
可親良由貪殘甚終危忠信人

理固有自然物亦有不同殊類而同歸鵠鵠之二蟲同穴共儼
曰狎昵類雌雄粵聞桂平邑牛蛇一穴中嗜鹽同臭味冠玉樂
融融然歟不然歟非非想莫通

東海浪稽天終古日夜流宛彼精衛鳥翩飛自發鳩有寬向誰

訴木石可同仇銜之誓填塞此心庶少酬黃弩者蕃草傳是女
尸醫服之嬾如是懷夢亦何求

莊公廿五年史書秋有蜚後來解經者咸指負蟊螽當時誠與
蟲其多定何幾東山有異獸牛狀曳蛇尾行水竭百川行草枯
百卉定此物作災堦人說吾豈

白駒識水泉聞諸管子記流沙產囊駝因牽天然韉日行三百
里顯功足絕地潛測水之源微乎其能智圖然一長鳴四眺眞
不翅獨有惡熱性黏毛脫夏至

建木樹廣都纓皮黃蛇蟠嫩葉荷如羅赤弩丹如鸞三足鳥無
景嘉蔭慈雪觀崇隆八千尺仰仰彌高歎撫弩往弱水窵窵搏

人餐鐵旃庶被辜誰言貳負殘

修蛇橫洞庭巨口穩吞象三季吐骨骹穿鱗不痛痺厥大誠何

如干尋驚恟怛后羿佗屠伯高陵起平壤

今之巴陵
卽其地也

靈均莫致

疑核名竇王嵒君子誠佩之心腹疾早爽

貳負殺竇厥帝討羈石室拱華錮其形千載去白日被髮佗陳

人濫宣時乃出中壘洞委原人知化益筆子駿後上言返魂亦

有術七歲女乳飲發言當汨汨

海內崑侖虛實維帝下都方廣八百里萬仞勢崎嶇九井復九

門百神在八隅木禾秀闌風餐食屑壽俱豈繁人播琴自然生

扶疏銜來盼靈雀慰我心區區

延維居皇澤蛇身光奕赫衣紫而冠旃聞車捧首適升卿呼其名祥福雲集百轅轅馬首來驚倒齊小白管子語焉詳見之天下伯堪嗤宋蔡京兩首龜妄撫

長頭羽民國卯生亦食卯首白目則赤飛飛殊遲緩萬里慕聖德火浣獻舜館東南有神人連臂二八伴大呼司帝夜宵游而盡敝斯理無可疑淪化總敝誕

東方不死民遐齡處員丘上有常春樹采之充珍羞下有赤泉水飲之潤咽喉駐顏長不老渺昇三辰游自古皆有死者人何綿修質化神靈在一日卽千秋

不學爲視罔不行爲撮囊斯語聞漆吏人生當自彊施剝者耿

山此肉生于堂牛肝肉兩目充食無盡藏掘地往往得脾之味
尤甘或云益筋力白澤圖孔詳

夏后御兩龍大穆僂九代羽葆手是揮玉璜身是佩對揚上帝
德稟天發靈誨九辯九歌下三嬪佗天妹雲蓋鬱層層仙風飄
四塞後世馬登琳盤辟亦盡態

立秋日夜坐

統如城鼓動蕭瑟起涼風客子驚秋早閒階望遠空白雲渺天
外明月泛庭中俛仰悲今昔關山萬里鴻

立秋

白露霏霏下肅辰沈陽西顙蕩颿輪最憐蘭暑新涼節獨感登

高望遠人一曲清商孤館夢三峯落日餘平塵飛鴻未到秦關
冷目斷青冥倍愴神

百二金湯據上游風煙遙接薊門秋輶軒采俗臨岐路鴻雁離
羣失養羞尙有梟民爭豕哭空傳在事昉軀劉關山窻裏征兒
淚薜落寒衣萬縷愁

翳築聲高天欲霜季鷹秋思正茫茫暫依雲闕仍瞻鳳願偕星
弧更射狼手把寒蟬看太白心懸破鏡照流黃深閨刀剪聲聲
咽不到鍼期已斷腸

冷月淒淒意自虹何堪恠雨又商風空餘螢火光蚪夜剩有蛛
絲罥鳳桐欲洗半戈銀蕩落爲朝白帝顛靈通多愁平子思何

在掃盡浮雲就日紅

初秋感懷二首

風緊窗低落葉過
光陰逆旅似流波
虛名久愧羊公鶴
浪跡翻成錄事鵲
子墨生涯稟興減
火星時節客懷多
街來萬里思親夢
譜就咳蘭不忍歌

到夕空階散步遲
砧聲淒切擣涼颼
一行賓雁初辭塞
三匝棲鳥未有枝
碧沈天秋桐葉覺
青銕客夢砌蟲知
侵晨盡且鳴窗樹
喚起愁人坐詠詩

和章子卿

甫

孝廉七夕立秋元韻

麗娟一曲引涼颼
寥沈天空潯暑銷
滿院桐陰清似水
碧羅雲

外隱星輶

青島飛來丹島去橋成間渡恨遲遲凝眸下望人間世風露高

寒葉落時

尋歡那怯水盈盈相隔經年一夜情明鏡紅粧雙照影銀河欲
曙泣殘更

天孫莫怨會蹉跎依舊殷勤織錦梭秋上蛾眉凝淺綠試看月
裏寡嫦娥

并題

佳辰七夕鳳梭停楸葉爭裁戴勝形身離橋頭已涼夜高歌西
顙待雙星

紫宙金風卷宿霏
露華應溼六銖衣
含情貪問經年恨
不覺黃雲護舊機

一夕歡娛月半鉤
曉天鶴駕促雙輶
銀河莫使歸滄海
水到人閒總別流

無事柳州乞巧文
乞來文字不超羣
何如徑上靈查去
玉宇瓊樓賸五雲

秋風辭爲岳一山

震川

舍人作

燕山日瘦天雲寒
庭中落葉戰秋風
淄泥十丈塞衢巷
閉關客去唵階蟲
木蓮始開壯士臥
古劍裂響鳴霜桐
琉璃殿西時造訪
據案兀坐亂書叢
郡邸漂搖守破壁
炊竈無煙氣如虹
韓公

賢者寧慕富，尙哦小牋。送五窮先生有道天骨立，吉黃一出萬馬空。並時名姓逐龍尾，許我琴操聽鞠通。世間幾處互憐愛，何況簪囊倚。

宸楓慚我致身同，方朔罡風吹落蓬萊宮。瀝川寥浪穿鐵甲，寒檣撫髀歎英雄。吾儕壯心亦堪試，銀河手挽洗刀弓。狂耶獨耶忽長笑，此事何足困乃公。黔雲坱軋日將莫，城頭觝策摧衷衷。瓦缸有酒休孤酌，銜杯招月望飛鴻。

秋夜曲

迢迢宮漏月輪高，一曲霓裳徹紫瑯。此夜關山蘆管動，征兒淚落寄寒袍。

榆塞鴻來未有書青冥目斷故園廬
階蛩頻攪思親夢悔不抽簪賸遂初

梧桐葉落露華濃滿院梨雲辟荔風
獨對銀缸懊惱曲美人千里月明中

雖鳴舞劍擊壺歌事業文章竟若何
萬里封侯班定遠爭光爭似古人多

同鮑雙五桂星白小山錦兩太史同平游陶然亭

堂堂節又過恢台攜手江亭遠墟埃
北郭譙樓陵堞壯西山嵐氣撲眉來
一天風日皆秋色滿地蒲蘆亦政材

時予改縣令回首五

雲多處望謫仙終是戀蓬萊

八月十五夜同朱芷灣

湘

黃季侯

鳴傑

李命圃

白

小山

銘

覺羅桂香東

芳

趙敷士

在田

諸同年小集庶常館以

一季明月今宵多分韻得一字

蓬壺敞丹房飛觴邀落日何處裂洞簫吹月松際出雲羅拭碧
虛煙林稍濃密三霄風露多棲鳥唳一一眾仙芙蓉衣長嘯振
雄筆詩城堅壘高酒軍勁騎疾氣吞雲夢九人踵建安七回蕩
萬古心鄉愁一時失吾欲鞭纖阿總轡歷箕畢天地回秋聲魚
龍醒泉室請歌水調辭高寒增凜栗瑤臺不可登邂逅聊短述
齊心愛景光此會示真率

送王石圃

國祺

阿鏡潭

應麟

兩孝廉西歸

報罷劉賁興已闌秋風匹馬促征鞍故園入夢猶先喜同輩聯
鑣路不難紅葉千林且題句青山一髮自奔丸欣逢刁斗戡途

靜依舊雄關放眼看

由居庸關北行

重別王石圃

國祺

孝廉

鞭絲拂影去難留風露高寒八月秋青草淒迷連大漠白雲蒼
莽憶神州黯然銷者魂千里欲往從之賒四愁劇愛天山萬古
雪讓君先已豁雙眸

重九

客裏重爲九日游黃花開徧

帝城秋譚經有座堪懷謝得句無饒莫笑劉鴻雁遙從天際度

茱萸好向酒中浮
山青雲白家何處
不忍斜陽獨倚樓

聞說

聞說烽煙照澗川
元戎羽檄報安邊
生平何惜班超筆
爾日誰揮祖逖鞭
且醉紅顏竹馬隊
頻驚白露蒹葭天
蜂旗果掃欃槍淨
我自牛刀繼魯賢

送祝杏邨

孝憑
同平之鄆城任

去矣西園翰墨林
城鄰單父好鳴琴
戴星定報三平最
酌水還明一片心
判牘何勞太史筆
栽花自集朝陽禽
秋風驪曲蘆溝月
臨沒循良勝盍簪

送董仲文

大淳

同平之任日照

養素堂詩集

卷二

九

蓬萊佳氣鬱蒼蒼
海市蜃樓水一方
擲得

御煙薰鶴署
好將美錦製琴堂
書成策露辭
藜照地到扶桑
近日光百里
提封原重任
循聲莫讓古龔黃

送楊蔭初

汝達

同牽出宰清平

同是蓬萊謫
下仙飛鳧此日駐
南天雲開翠嶂香
爐外路出梅花石
洞烽火頻經殘壘在
征徭總賴使君賢
從容退食無留事
庭樹烏樓日影圓

似君儒雅定懷清
數楫黔江浪
息纒敢道文章非
報國由來政事寄
專城魚縣琴舍佗
年績馬咽秋風爾
日情司牧最關明
主念四知寅夜振
家聲

送許敏甫

亨翹

同平之任貴谿

峯蟠龍虎勢蒼蒼地界餘千暨七陽石洞尙畱鴻古宅谿流總

帶鬱金香黃梅舊日誰能賤

元符間縣出黃梅廖明畧題名曰能賤堂

碧樹今時定

獨芳百里賢侯來保障寧輸卓茂箸循良

送賴芝亭

勳同平除信豐令

鬱孤臺畔駐飛鳬製錦仙才墨綬紆章貢清波涵德澤崆峒秀

色寫觚須玉皇香案成蕉夢冰署瑤琴譜薦于此後相思嶺梅

寄魚書定報范萊蕪

送莫傑夫

昇備

同平除洪雅縣尹

青天一罅削龍門分得嘉陵錦繡屯金馬人來敷爾澤銅章綬

綰拜

君恩連雲舊棧蠶叢路別日高秋蟻泛尊烽火無驚挂笏地好勤撫字慰元元

又送許敏甫

亨超

同奉調任江川

江邊楓冷井梧黃簪筆仙人出

帝閭蜚雨蠶煙新政績峒花狝鳥大文章關心燕市論交地幻

夢梅衙能賤堂

敏甫

先選江西貴谿特謫雲南江川

此去巴盤秋水碧寄吾音

信雁連行

同王楷堂

庭紹

比部朱青如

濂

水部同奉游崇效寺

即宋

寺花

車馬勞勞將欲南

余將赴玉屏任

東花寺裏且停驂墻罨尙說鱣波疊

五六月淫霖大水寺墻多浸圯老僧爲余捐言之

日腳遙穿玉佛龕白露乍零人宛在

黃鸞已謝我何堪歸來共醉蘭陵酒記得涼州釀味甘

獨酌

萍分雲散故人離杯酒應憐獨酌時聽漏漸沈燒燭短看書未
了引眠遲隴頭春待江梅報紙帳寒侵鶴夢知皎皎庭除餘落
月屋梁顏照起相思

湯十四敦甫

金劍

太史同羣以詩送別次韻酬之

乍別瓠棲作外臣彈冠遠去沐初新子奇孺稚何堪吏臚統慵
疏或負民敢不懷冰期守潔可能鞭脣得情眞文章報國從蕉

夢莫笑佗平面目塵

元詩

湯金釧

治崇儒術簡詞臣邊徼行看德政新自有詩書殊俗吏好
將父母慰斯民寬中卓茂勞心甚文學歐陽理事真一語
贈君君記取莫因嘯詠案成塵

訓陳恭甫

壽祺

同平貽贈之佗並以錄別

疇是今雄伯惟君箸大名文章唐北斗經術漢西京酒趣輸胡
母詩懷敵步兵可憐衿襖判不得讀清明

拂輿黔南去宰官方少平蘆溝橋上月陵曉最悽然敢說驅雞
易須知殪虎先竹郎遺跡在得句可能仙

元詩

陳壽祺

秋隼出海西骨氣禿精銳韞上萬里心慘愴視天際張侯
涼州杰鶚實妙相逮弱冠登瀛洲文林有根柢耿介苦士
懷芳烈斐荷製蓬山鱣奠雁紅雲暎羅襪侍從騎白鳳埃
風委青桂仙人曠三清豔事驚一世關隴正風煙戈鋌鈔
寧歲菱花不解憂杖劍辭謁帝帝曰金閨彥雕

蟲安足綴時方擇司牧汝往汎清惠操刀煩詞臣官簿無
此例吏風患東涇資子儒術濟子非朕承明夙結揚馬契
子豈薄淮陽須面社稷計驅雞急斯驚捕鼠大局制岸隋
土易陀水煩物必敬神明有張弛盤錯何掣曳京雩冠蓋

滿榻落才未替酒酣風雨來青眼高歌繼吁嗟
息羽月圖南待所遭翛然聲聞天方企九皋唼

鮑覺生

桂星

同平臧詩送別作此酬之

迂俗抗塵容君胡悵別悵交情同白水泊化慕黃龍日近長安
遠江深巘岫重黔南將萬里曉夢景陽鐘

離酒酌深杯愁腸日九回良畱燕市馬書寄隴頭梅赤子仍三
代青山抵一坏長岑真宋莫可得放吟才

元詩

鮑桂星

芸閣經年宴賞陪忽傳飛鳥去燕臺烹鮮暫試雕龍手憎
別難勝上馬杯儘有功名儕魯卓誰言斧藻必鄒枚黔陽

不少河陽樹春至煩君著意栽

赤水蟠天鬱瘴嵐女隤遺俗接滇南風淳自覺誠求易政
簡縣知臥理堪洛下董宣能彊項杜陵蕭育是奇男故人
此去無佗贈治國張琴語細參

游子吟

橫君邨上琴聽我遊子吟遊子生關隴有懷向明發憶我辭親
行瑤草綠未歇雨雪入長安躡步登金鑾庶幾藹藹根新被零
露溥古雪天山路願致青琅玕所慚素綯短不得轉并幹周周
自銜羽疏羈風中乾家園從壁立孰采陔下蘭恨無展風翼寫
舉秦雲端昨朝雙魚至讀罷涕汎瀾中庭有嘉樹明月空團圓

鴻雁稻梁絕念兒
苜蓿餐莎雞鳴戶
下憂兒衣裳單且
復惱枝葉安知自
飢寒青閨有冢婦
愼奉晨昏歡莫對
芙蓉花獨倚曲闌
干雛鳳尙萬里誰
能顧離鸞昊天催
急景奔駟跳兩丸
去日不可挽來日
方大難兒身及少
壯許國力可殫高
堂漸零皓何以酬
寸丹悄然百感集
中夜起長歎